

中華民國郵政局特准掛號認爲新聞紙類

中 華 民 國 三 年 七 月 二 十 一 號
湖 南 官 書 報 局 印 行

湖 南 政 報

本報價目

- 一 本報按照陽歷每日出報一本
- 一 每分每月收回大洋六角
- 一 零售每分銅元四枚
- 一 外埠購報郵費以購報之多寡酌加
- 一 夫役送報如有遺漏請即函告以便補發

湖南官書報局廣告

啓者本局印刷廠製出官紙印刷極精取價極廉已呈由 靖武將軍兼巡按使通令各機關來局購用在案查本局印製各種官紙概由學院街本局總發售處出售並無委託商店代銷情事倘各商店有售賣本局製造之官紙者即係假冒射利一經查覺定即呈請 靖武將軍兼巡按使嚴懲不貸恐未週知特此登報宣告

湖南官書報局廣告

啓者本局前在省城文運街設立總發行所經理出售官紙書報等項現因距局太遠照料不便將該所歸併局內照舊設櫃減價出售嗣後各處有訂印新式官紙購買書報等件者請直接本局交易決不致誤特此登報聲明

湖南銀行佈告

大清銀行清理處
小東街同仁典房屋全棟并基地又連陞街倪姓所住小公館一棟并基地由戴貽穀堂篋譜兄弟憑商務總會董出筆賣與本行管業特此聲明

目錄

令

大總統策令 京巧電

飭

湖南巡按使公署飭

飭官礦經理處

據第四區礦務監督署詳報委任梁煥均為駐湘特派員並發鈐記請核由

飭武岡知事

准安徽巡按使咨送同康儀莊被抵裕皖錢局款項契紙尙未投驗先行抄契請轉飭備案由

飭祁陽縣立中學校

據該縣知事詳請委任縣中學校校長黃汝玉由

飭甯鄉縣立師範學校

據該縣知事詳請該縣立師範學校校長王煥奎履歷請察核由

飭常德知事

據兩縣大圍堤談人義等哀懇續賑以延生機由

詳批

增武將軍兼巡按使批

批麻陽縣知事覃學斌呈報縣教育會成立請核准立案由

批商埠工程上局詳報遷勘挖港橋工程並估修經費由

批桂東縣知事詳資徵收經費預算書照准行由

批臨湘縣知事詳報現無水患由

批警察廳單報發現疫疾情形由

批警察廳詳報撤換北區第四分署署員請備案由

批常德縣知事詳報勒令該縣前警長熊珮繳清虧款請銷案由

批臨湘縣知事詳報判結李松柏一案請銷案由

公電

本省發電

靖武將軍兼巡按使致福州許巡按使電

各省來電

福州許巡按使致靖武將軍兼巡按使電

咨

稅務處咨財政部請通飭各機關迅將貨物調查表填送以便修改常關稅則文

專件

巡按使公署政務廳啟事

(續)

省城警察廳經收關於災賑各處捐款數目

通告

廣告

令

大總統策令京電

參政院參政錫良渠本翹因病呈請辭職錫良渠本翹均准辭職此令

任命增韞爲參政院參政此令

王占元曹錕楊善德鄭汝成均加將軍銜此令

任命李厚基爲福建護軍使福建鎮守使一缺卽裁撤此令

任命孟繼笙爲參政院參政此令

任命郭定熙署理吉林吉長道道尹此令

彭澤給予四等嘉禾章此令

陸軍總長段祺瑞呈核覆前護理甘肅都督張炳華擬以馬維善補甯夏鎮屬衛城營都司請予准補等語應照准此令

各將軍特任督理軍務職位崇大京外各衙署局所差缺如有督理名目著卽一律更易以正名目此令

茲制定將軍府編制令將軍行署編制令公布之此令

茲制定巡按使公署附設軍務廳編制令公布之此令

中華民國三年七月十八日

謹按 中央政府命令本報係照京電號碼譯登聞或電碼有誤關係甚大應俟政府公報到隨時查對更正

飭

湖南巡按使公署飭

爲飭知事據第四區鑛務監督署詳稱案查敝署詳請設立第四區鑛務監督湖南分署一案於七月二日奉農商部批開據詳已悉湘省鑛產既甚豐富而辦理該處鑛務及與洋商交涉事件又甚殷繁自宜在該處設一機關俾辦事便捷惟所請設立分署一節既爲官制所無又未便率請更張應准酌設辦事處派一駐湘特派員卽由該署長派委先行試辦并酌用辦事員若干毋庸多派以節經費至該特派員應用鈐記卽可由該署長發給并知照湘省巡按使以便接洽其所派人員及組織一切方法仰卽隨時詳報備核可也此批等因奉此查湘省案卷前經飭委梁僉事煥均前往接收應卽委派該員爲駐湘特派員并遵設駐湘辦事處由敝署刊發第四區鑛務監督署駐湘特派員之鈐記以資信守除詳部并飭知外所有委派特派員并刊發鈐記各緣由理合詳請察核施行謹詳等情據此除批詳及粘件均悉應准備案此批抄由發外合行飭仰該處知照此飭

靖武將軍兼巡按使湯薊銘

右飭官鑛經理處總理鄧振璣准此

湖南民

政長印

中華民國三年七月十六日

湖南巡按使公署飭

爲飭行事案准安徽巡按使公署咨開爲咨請專案據清理公款局詳稱前奉飭開案查同康錢莊欠裕皖錢局公款一案前據安徽省商會呈請將各股東房屋備抵前來當經批准并派員先將本省房屋田租接收在案現查該股東楊繼新等所抵湖南田租契據以及商號紅票股票等件尙存省商會亟應發交該局清理以資結束而重公款除飭省商會知照外爲此飭該局長立即前赴省商會將同康莊備抵裕皖錢局各項契據點收清楚即日派員公途清理其湖南田租應卽案照原價變賣解皖并將該佃應完民國元二兩年租穀切實追繳毋任蒂欠等因并抄發交存省商會清單一紙奉此遵卽轉知去後旋准省商會將同康莊交存龔幼甫原抵田房契據一百零一紙並楊繼新推抵湖南衡陽田租一百二十石白契一紙上海內地自來水公司股票二紙同康本店房屋推單一紙又高井頭正街公館一所舖面二所原契一紙到局均經分別點收惟查同康備抵裕皖公款之田房契據一百零一紙綜核契價計約銀一萬餘兩原係龔幼甫抵與該莊股東楊繼新欠欸迨同康倒閉復由楊繼新交付同康轉抵裕皖錢局曾詢明楊姓前受抵此項田產並未至湖南查照接收并聞其中有重賣情節又有廢契混抵典當白契轉押等弊情形極爲複雜加之各該佃戶應納民國元二兩年租穀事隔已久追繳恐難自非得有幹練人員前往該地切實清查分別追繳無裨於事理合

詳請都督兼巡按使遴員前往辦理俾收實效再現值驗契時期前項契據尙未投驗茲將原契照抄全份仰祈咨請湖南巡按使轉發武岡縣先行備案一俟清理就緒卽行照章投驗以重稅款等情據此除批示外相應咨請貴巡按使查核轉飭武岡縣知照實叙公誼等因准此合亟飭仰該縣卽便遵照備案切切此飭

靖武將軍兼巡按使湯薊銘

右飭武岡縣知事 准此

湖南民

政長印

中華民國三年七月十六日

湖南巡按使公署飭

爲飭委事案據祁陽縣知事詳稱爲詳報事案查湖南行政公署管轄各學校規程第三條凡一縣設立之中等以上學校其校長由縣行政長官呈請省行政長官任用之等語茲有縣立中學校校長唐學稟請辭職業已准如所請所遺校長一席查有湖南第三師範完全科畢業前充本邑教育科科長兼中學校教員委任永興縣第二科科員黃汝玉品學俱優富有經驗堪以委任縣立中學校校長理合備文詳報鈞府俯賜察核准予委任等情據此除批詳悉黃汝玉已另飭任用矣仰卽知照此批印發外合行飭委該員爲祁陽縣立中學校校長仰卽尅

日就職並查照校長服務要則切實奉行毋負委任此飭

靖武將軍兼巡按使湯壽銘

右飭祁陽縣立中學校校長黃汝玉准此

湖南民
政長印

中華民國三年七月十六日

湖南巡按使公署飭

為飭委學案據寧鄉縣知事詳請任用王煥奎為該縣立師範學校校長等情並賈履歷冊到署據此除批詳及履歷均悉查閱該校長履歷尙無不合已另飭任用矣仰即知照此批印發外合行飭委該員為寧鄉縣立師範學校校長仰即查照校長服務要則切實奉行毋負委任此飭

靖武將軍兼巡按使湯壽銘

右飭寧鄉縣立師範學校校長王煥奎准此

湖南民
政長印

中華民國三年七月十六日

湖南巡按使公署飭

爲飭知事案據該縣大圍堤談人義等稟稱稟爲障廢生絕無計聊生哀懇續賑以延生機事緣常漢同轄之大圍堤自己西潰敗而後一跌不收廢爲澤國愁苦萬狀罄竹難書早年已呈明大府大司茲不贅第圍堤居民初近五萬丁歷年來老弱之轉於溝壑壯者之散於四方約已過半矣今僅存之二萬餘丁欲死而氣不能絕欲亡而力不能逃欲乞丐遠方而奔走萬難欲備工鄰垸而筋力久絕欲漁業以爲生活匪特衰老鬻年不能駕舟茫茫遠水卽鈎餌之資本亦復何籌哀哀殘喘使饑餓於我土地而不出門戶者屈指已經六年矣此六年中除死亡外而一息尙存者千辛萬苦不知何以苟延性命前都督譚於去夏發給賑款二千串雖不能資食多日然亦足以蘇涸鮒而拯溝瘠餘生今時值荒歉饑餓難堪災民等哭天無路籲地無門萬莫奈何始匍匐於軍門之外而下泣夫近日國帑支絀災民等從窮餓而來詎不體公家之困難然災民等以饑溺所迫雖不忍請究有不能不請者且災民等之對於帑藏所需有幾直不啻太倉減一粟耳查前月省河水漲附廓居民恩沾粥賑至今救活多人莫不歌功頌德況圍民災苦有什伯千萬於茲者乎倘大都督稍爲目覩其傷心憫惻當亦有什伯千萬於附廓居民者矣縱該民於古者天子畿內之地德澤當然先施然仁政由近及遠圍民俱屬赤子一視切望同仁不沐續發賑恤實屬無計聊生長日如年終朝枵腹仁人君子何以爲情此中之苦况安得不望孔邇之父母而一爲憫恤耶爲此哀懇鈞府憐情作主賞准施行委員勘放

恩同再造災民等不勝感激待命之至謹呈等情據此除批稟悉查大圍堤久經潰廢該民等連年顛沛情形本極可憫惟現值國帑奇絀災區太廣勢不能不就地籌款以資賑撫據稟各情候分飭常德漢壽兩縣知事會同確切查明妥籌辦理此批牌示並飭知常德知事外為此飭仰該知事即便遵批辦理會銜詳覆再查前清宣統元年常德戚守曾經查勘常屬各圍堤分別應修不應修兩項繪圖貼說稟陳前清巡撫衙門在案該堤北逼滄港南接丁家口是否有礙水道附在不應修之列並仰該兩縣知事一併會同查勘詳覆尤為切要至該民等所稱該堤自己西潰敗以後廢為澤國初僅五萬丁近僅存二萬餘丁情形誠為可憐而事實恐未足信卽或災狀屬實亦必山水勢湍急堤基不固所致修築既無效果反似投之陷阱而空費民財益覺可惜又該兩縣之堤垸類此者當復不少應由該知事等併案查明具報核奪綢繆未雨澹此沈災於該知事等有厚望焉切切此飭

靖武將軍兼巡按使湯漪 銘

右飭常德縣知事准此

湖南民
政長印

中華民國三年七月十七日

詳批

靖武將軍兼巡按使批

批麻陽縣知事覃學斌呈報縣教育會成立請核准立案由

詳及簡章均悉查縣教育會關係地方教育至爲重要該知事商促士紳組織成立具見留心教育深堪嘉許查閱所呈該會簡章除第九章微有不合外餘均妥適應准暫行備案仍仰轉飭遵照 部頒教育會規程第四章將該簡章第九章妥爲更正詳由該知事轉詳察核此批抄由發簡章存

附原詳

爲呈請立案事竊以教育一道所以培養人才教育不良於國際民生均有妨碍麻陽地處邊隅民情頑固風氣閉塞於教育上毫不講求雖各鄉初等小學校經車前知事梓楠強迫成立百有餘處然知事親赴各鄉調查多屬有名無實校中規則學生程度均腐敗不堪甚至僅有學校牌名而教員學生無一人者其餘學生或有十餘名或二十餘名不等教員之師資既無校長亦不識管理方法仍與從前私塾性質無稍殊異其可以實曰學校者不過十餘處知事目覩此情不勝憂悶若不嚴加整頓何以能促進行隨將各校長教員不稱職者一概撤銷另選富有學識經驗之人接辦學校有可以歸併者亦分別歸併經此番整頓之後雖不敢云完滿然亦漸有起色業將縣城模範小學及女子小學

城區第一第二第三初等小學各校整頓歸併情形呈報在案惟縣教育會未正式成立無以爲教育統一之機關當商士紳妥籌建設去後據麻陽公民李鎮坤向玉楷劉其智龍植三張嗣森張鵬張繼翥莫祥貞黃成仁宋承璟傅百川劉銘勳張應金黃自強張修蘭曾繁茂滕代勝田代榮江雲亭劉華榮段學顯張盛禮等呈稱爲組織縣教育會呈請備案以維久遠事竊維文明之進步端資教育而教育之理法首在研求故有行政機關任其事於提倡擴充尤不可無補助機關分其責於督促改良查 教育部教育會規程第一章載有縣教育會一條是明示各縣得設立教育會以徵集地方學界之意見定進行之方鍼而輔助官廳以成化也麻陽自民國以來始設立縣教育會然因會無的款故進行綦難近據前會長田定元報告辭職曾奉批准仰仍會商公舉妥紳呈候酌奪公民等自當遵照組織以仰副先生關懷教育之至意惟常款爲會中命脈不能不豫爲規定以垂久遠已徵集城鄉學界同人公同會議將泝波廟餘租暨賣當契中人捐兩項爲教育會常年經費公共贊成至會場地點查審檢所業已取消法署地址原爲前清學署以舊有之明倫堂爲教育會場畧加修改即可作用於性質理論上亦實相宜公民等爲進行教育起見是否有當伏候鈞裁所有組織縣教育會及豫籌的款各緣由理合備文呈請察核批准并懇轉呈省行政公署備案實爲公便等情據此當經知事批飭將該會經常費及會中細則詳細列表呈核一面由知事名義通函各鄉士紳於六月一日以前齊

集來城開成立會茲據該會呈爲呈報事案奉鈞函開縣教育會以輔教育行政之不足
亟宜組織成立以促教育進行茲定期於六月一日開正式成立會屆期務懇駕臨禱切
盼切等因奉此敝會員同於是日齊集會場共八十二人并蒙親臨監視會務旋由前籌
備員田君達道報告正式投票以昭公允當由敝會員等先後票舉計田君達道得五十
票張君盛楷得三十八票當選爲正副會長復經各會員公同舉定幹事二十四人分擔
職務以謀教育進行而造地方幸福所有公開成立會暨舉定正副會長并各科幹事及
會中細則會員姓名列表呈覽鈞署查核立案並請轉詳備查施行各等情前來理合轉
呈鈞署俯賜查核備案實爲公便謹詳

批商埠工程上局詳報 巡勘挖港橋工程并估修經費由

詳及清摺均悉該挖港橋工程經本公署派員復勘據稱察看情形實無改修之必要祇須
就原有料木畧加人工修復原狀估計所費不過數串文便可蕪事等語查核所陳辦法尙
屬核實現在公家財政奇窘自應力從撙節以省糜費卽責成該局長迅將該橋加覓工役
妥爲修理以回復原狀爲度所需工資爲數既屬無多卽由該局工程經費項下實支實報
毋庸另案請領併飭知照清摺發還此批

附原詳

詳爲遵飭察勘挖港橋勘估修繕事竊照職局呈報挖港橋被水浮起請示核辦一案奉

批據早已悉該橋枕木既經查明被水衝浮應即選派衛兵設法看管以免損失俟水退後再行察勘酌量修繕以期堅固一面仍責成該局長前往查明此次被水衝損是否從前工程不堅所致并切實估勘以後修理工程應需經費若干仰即分別詳細開摺具詳覆候核奪等因奉此查該橋枕木及平面排木旋因水益陡漲被水衝散淨至新河下游等處看守衛兵報由職局立即雇定划船購撈當經撈獲面呈在案水退後遵即前往查勘該橋石柱衝斷兩根衝斜三根其餘均無損傷完好如故所有衝浮各木亦經搬回查點尙未飄失復查該橋從前工程係下局安委員驥經修原本堅固此次被水衝浮係因未嵌石塊未扣鐵鍊所致緣該橋原議一律用石光復後奉令改修活橋平面用木以便船隻出入隨時開放未使用鍊扣緊故水漲即浮起並非安委員原修工程不堅而該橋寬而且長詳細攷察開放實不易易似應改修據職局愚見此次修繕擬照上局桂花橋以粗鐵鍊穿連復用長鐵釘扣於石中庶無後患職局率同工匠修繕經費以鐵件爲大宗茲切實勘估所需鐵件石料木工小工三砂洋灰總共需錢一百二十三串八百七十二文除另開具勘估工料價目詳細清摺外理合詳請鈞府俯賜察核示遵再此項經費是否另行請領抑或在於上局工程項下開報并乞批示施行謹詳

附清摺

謹將奉派履勘長沙商埠上局詳估修復挖港橋工實在情形開呈鑒核查勘得挖港橋

在通泰門外下游附近係前商埠下局上年所修爲由小西門至新河一帶廟岸線之通道該挖港水源近促並非船隻出入要路無須設開閉活橋原橋長約一丈五尺餘寬約二丈五尺餘係以枕木直搭兩端石礎再以樹條編成木板橫排於上以爲橋面枕木之下並無立水支柱該局詳稱衝斷石柱二根衝斜石柱三根係指兩傍岸上貫鏈之石欄柱而言其高不過三四尺與橋工無甚關係詢之局員據稱該橋於水漲之時所有橫直條板均被漂起旋經撈獲并無遺失現暫照舊搭蓋一邊以通行人察看情形如祇修復原狀則就原有料木畧加人工便足戴事所費甚微如欲稍圖牢固以免日後復被漂毀則須加用鐵釘鐵鏈（據該局員稱應用釘鏈均已購就）嵌入石中約畧估計工費亦祇數十串文與所稱桂花橋工畧同謹詳

批桂東縣知事詳實徵收經費預算書准照行由

詳及預算書均悉該知事規定征收經費按照前國稅廳籌備處所定概數支配應准照行仍仰該知事樽節支用核實造報副詳批發預算書存

附原詳

詳爲造實桂東田賦徵收經費預表事案奉國稅廳籌備處第二二零七號訓令開照得本年田賦業經本處長電令各縣暫照舊章分忙徵收於五月一日開徵上忙券費解省徵收經費暫由國稅項下墊支於有日會同民政長通電劃提存留地方之款約以三

分之一解省二分之一留縣各在案此項田賦徵解辦法既經畧有變更自應擬定章程俾資遵守惟事關改制須俟呈部核准後方能公布施行而各縣辦理征收事務正值進行其關於征收機關之組織及其經費之支配若不先行規定深恐縣自爲制致涉參差茲經本處擬定田賦征收辦法各縣征收經費概數表及征收經費支出預算書格式附令頒發仰該知事悉心研究遵照辦理并限於文到五日內查照征收經費數目造具支出預算書呈候本處核定以便照數開支事關國賦務望實心經理切勿稍涉違延致干咎戾再二年田賦統計表及田賦調查條款均係部要件業經本處先後通令各縣依照限期分別填造答覆以憑彙報應即漏夜趕辦一併實呈是爲切要等因計發田賦徵收辦法一份徵收經費概數表一份徵收經費支出預算書格式一份奉此知事當即將辦法悉心研究遵照辦理至徵收經費概數表中所列屬縣係七百六十串文知事參照現在辦法斟酌樽節於概數所定範圍內製造豫算表填實鈞署察核飭遵再二年田賦統計表及田賦條款前經造賞國稅廳籌備處合併聲明除逕詳財廳外謹詳

批臨湘縣知事詳報現無水患由

詳悉仰仍督飭堤董加意防護毋稍疏虞切切此繳

附原詳

詳爲江堤尙高現無水患事案奉鈞署第四九號飭開湘省連日大雨河水驟漲田廬淹

沒室家漂搖前據各屬電報災情深滋憫惻因念沿湖一帶情形要亦大致相同各知事身任地方應卽妥籌安撫如敢稍涉膜視定予重究合特通飭卽使遵照辦理并將一切情形具報查考等因奉此仰見愛民如子痾瘝在抱之德意知事遵查屬縣外江內湖山多田少今歲春夏之間雨水雖多尙不爲災湖水幸未泛濫亦無山洪暴發之事惟江水浩蕩屬縣東北濱江舊有長堤一道上起道人磯下齊伴生洲與湖北嘉魚縣連界約計長七八十里知事屢往履勘現在堤身距江水六七尺七八尺不等業經一再面飭沿堤紳董就近察視並不時派人往查如有低窪浸刷之處務卽迅速修補倘江水不驟加漲當無淹沒之虞除嗣後水勢若何隨時由電稟陳外所有屬縣現無水患緣由理合具文詳報伏祈查核謹詳

批警察廳單報發現疫疾情形由

兩次報單均悉現值溽暑蒸人時疫最易觸發既據先後報稱黎家坡東岳宮等處間有霍亂疫症發現應卽妥速設法防遏以免傳染仍將辦理情形隨時報查爲要此批抄由發

附原詳

爲詳報病疫事竊維水災之後濕氣熏蒸最易發生癘疫迭經飭令各區隨時詳查具報以便預防去後茲據南區報稱下黎家坡四十二號戶籍羅福生之三子多保年一歲於昨一號身熱不吸乳至昨四號病轉霍亂於五號殤又同居朱學孔之子名潤保年二歲

於昨四號陡患霍亂於五號亦殤等語查霍亂爲疫症之一種比令該戶主施以消毒方法俾免傳染等情據此當經廳長飭派衛生科員覆驗無異理合詳報察核謹詳

爲詳報病疫事竊水災後最易發生疫癘昨據南區警察署報稱下黎家坡現在發生霍亂症當將情形轉詳鈞署在案茲又據外北區警察署報稱據一分署報稱東岳宮避災之荒民計十餘戶近日發現一種病症該荒民等受病者已有七八人之多惟冀有琢之女年方十歲已於昨晚病死詢視病症不外吐泄二種等情據此查荒民原住義山棚內前次被水衝沒移駐東嶽宮係一時權宜之計現因發生病症亟應設法預防以免傳染除將病人李永錫等暫置棲流所調治外理合詳請察核飭遵等情據此除經廳長飭衛生科員前往診治外所有發現疫癘情形理合詳報察核謹詳

批華容縣知事詳報五月分水勢漲發情形由

據詳水漲情形均悉該知事督飭堤局員紳隨時防護殊深欣慰仰仍悉心籌備以期無患切切抄由發

附原詳

爲詳報事今將華容縣民國二年五月份水勢漲發情形開摺詳核須至詳者

今開

五月一日漲一寸 二日漲一寸 三日漲一寸 四日水平 五日水平 六日漲一

寸 七日漲二寸 八日漲一寸 九日水平 十日漲一寸 十一日漲一寸 十二日漲二寸 十三日漲二寸 十四日漲四寸 十五日漲三寸 十六日漲二寸 十七日漲一寸 十八日漲一寸 十九日漲三寸 二十日漲五寸 二十一日漲七寸 二十二日漲六寸 二十三日漲四寸 二十四日漲二寸 二十五日漲八寸 二十六日漲五寸 二十七日漲七寸 二十八日漲六寸 二十九日漲四寸 三十日漲四寸 三十一日水平

以上共漲水八尺五寸查河湖水勢浸及堤脚知事督同堤局員紳飭令各垸首事業佃人等已將剝口堵塞以免滲漏謹詳

批警察廳詳報撤換北區第四分署署員請備案由

據詳已悉應准如詳備案仰即知照再來文漏繕副詳不合以後應遵式繕用爲要此批抄由發

附原詳

爲詳報事案查北區警察第四分署署員傅兆鴻近日常不在署荒棄職務應予撤換以示懲戒而儆效尤所遺員缺查有商埠警察署主任巡長徐鑑歷充高等法院司法巡長才識穩練辦事得力堪以委令試充除分別飭遵外理合詳請察核備案謹詳

批常德縣知事詳報勒令該縣前警長熊珮繳清虧款請銷案由

詳悉該縣前警長熊珮虧空公款錢三百零四串文既經該知事勒令如數繳清應准如詳銷案仰即知照并轉知熊前警長爲要此批

附原詳

爲詳報事案照前警務長熊珮虧款潛逃一案當經據情轉詳并由警察廳將該員拏獲交由長沙知事公署押解到縣經知事飭令第三科會同劉警務長繼焜三面核算該前警務長能珮實虧公款錢三百零四串文茲已勒令如數繳清理合備文詳請鈞署查核撤銷前案施行爲此詳詳

批臨湘知事詳報判結李松樞一案請銷案由

詳悉查該犯李松樞妨害公務毆傷小隊既經該知事訊明判決依律併科實屬罪有應得應准執行李元盛訊無附和情事准免置議至該犯與李樸卿私訴部分經該團族李錫齡等從中和解究係如何解決詳內未據聲明殊屬含混仰即另行具詳備案仍將教堂妥爲保護毋稍疏忽切切此批

公電

本省發電

靖武將軍兼巡按使致福州許巡按使電

福州許巡按使鑒寒電敬悉敝省水災荷承台端愷惻爲懷遠惠鉅款一俟奉匯到湘卽行配發以彰義施謹先爲災黎同申感謝藉銘銑

各省來電

福州許巡按使致 靖武將軍兼巡按使電

長沙湯巡按使鑒恭讀 大總統申令藉諗胥省近罹水災實深憫惻謹籌銀洋五百元卽日匯寄區區之數聊效棉薄尙乞察鑒爲荷許世英寒印

咨

稅務處咨財政部請通飭各機關迅將貨物調查表填送以便修改常關稅則文

爲咨行事查修改常關稅則一事上年十二月二十六日准關稅改良委員會函稱業將整頓常關增加稅率一案公同討論審定貨物調查表應飭各省常關將近三年商人報運貨色斤兩件數與正稅雜費各有若干按照表列格式分別詳細填註等因函達本處通飭各海關監督遵辦并函請貴部通飭各省國稅廳籌備處暨新設各常關監督遵辦各在案現經貴部呈請修改常關稅則業由 大總統批令由該部會商稅務處查照修改等因奉此相應咨行查照通行各省國稅廳并各該常關迅將前項表式確查詳註申送俾得會同商訂從速著手辦理可也此咨

稅務處督辦梁士詒

處印

中華民國三年六月 日

專件

巡按使公署政務廳啓事 續

省城警察廳經收關於災賑各處捐款數目

一水災助賑捐款

陳佩衡捐錢一千串文

婁陳氏捐錢一百串文

貧民工廠總理暨各職員捐錢一百一十八串文

財政廳陶廳長捐洋三百元

許鳴鳳堂合記捐銀四十兩

公立工業學校捐洋一百九十三元

洋四百九十三元

以上共捐錢一千二百一十八串文

銀四十兩

一防疫消毒捐款

湘路股款處捐洋一千元

婦孺救濟會顏曹秀英捐洋二百元

李紹安接粥喂豬願罰捐洋五百元

警界職員捐洋四百三十元

水警署員警捐錢一十四串三百文

省河釐金徵收處捐錢九十二串二百八十文

以上共捐

洋二千一百三十元

錢一百零六串五百八十文

通告二則

靖 武 將 軍 兼 巡 按 使 爲

牌示事照得北京高等師範學校添招預科考送湘籍學生二名一案業經出示並登報定期報名考試在卷現在已逾報名期限而報名應試者尙屬寥寥誠恐遠道遲誤或有向隅特展緩報名期限至本月十三日截止於二十日開始舉行考試合行牌示仰各該投考學生等一體知悉毋得遲延自誤切切特示

中華民國三年七月八日

附原條件

一 資格 中學畢業

二 考試科目

國文 英文 歷史 地理 理化 數學 博物

三 報名手續 攜帶畢業文憑四寸半身相片并備繳卷費錢二百文

四 報名地點 省教育會

湖南巡按使公署爲出示招攷事案准北京清華學校函載做校中等科一年級回國各省查照章選送湖南應派學額四名希查照規約認真選送至京覆試等因合行廣爲投考各生查照後開條件攜帶四寸相片於七月二十日前來本公署號房報名

一 資格 十一歲至十三歲確隸湘籍者

二 科目 國文 英文 譯作 歷史 地理 答簡 算術 至命

三 試期 八月一日二日

四 覆試期 九月初十十一十二三日須八月底到京 清華學校招考規約已登六月二十七號本報

中華民國三年六月 二 十 二 日 示

官書報局廣告

啓者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書並奉 令將前辦之圖書編譯局歸併合辦所有各書正在從事編輯其已出版者特爲標出各界諸君購閱請逕向學院街本局總發售處面訂可也計開書目如左

目如左

國語教授法
算術教授法
手工教授法
圖畫教授法

以上四種日本田中廣吉著南州熊崇煦譯

初等小學讀本 第一卷

初等小學讀本教案 第一卷

初等小學讀本 第二卷

初等小學讀本教案 第二卷

初等小學修身書 第一卷

初等小學修身教案 第一卷

初等小學修身書 第二卷

初等小學修身教案 第二卷

初等小學修身書第一卷掛圖十三張

合購洋六角八分四釐

洋二角八分八釐

洋一角六分八釐

洋一角一分四釐

洋一角一分四釐

洋一角二分

洋一角二分

洋一角八分

洋一角八分

洋一分八分

洋六釐

洋二分四釐

洋六分

洋一元二角

初等小學算術教案

第一卷

小學各科實際教授法

手工教科書

少儀教科

兒童教授法

兒童自力研究之啓導法

兒童個性之研究

新教育學

美國博克爾爾氏著

江蘇謝慧叔譯

日本相島龜三郎著

湘潭胡適譯

美國耳哈博士著

南昌羅黑子譯

美國麥加利博士著

南昌羅黑子譯

日本大川義行著

長沙楊樹遠譯

日本大瀨甚太郎著

長沙黃獨譯

特裝一册

特裝二册

常裝

常裝

特裝

印刷中

印刷中

洋一角二分

洋一元二角

洋三角

洋九角

洋四角 另二角

洋二角四分

本局出售各書從前係照碼六折發行久經於湖南政報登載廣告茲恐閱者或有誤會以致疑其昂貴特將各書價碼照實售價值改正 閱者注意